


廬山紀事



				漢書門
		二	二	
		九	五	
		一	七	
一	〇	二	一	類
冊	架	函	號	

內閣文庫			
九	〇	五	漢書
函	一	七	
架	冊	號	類

內閣文庫			
番號	漢	2357	
冊數	10 ( 4 )		
函號	292	47	

四





廬山紀事卷之四

廣陵桑喬

山南自張公嶺東北行至七尖山

鶴鳴峯龜背峯寨雲峯黃石岩雙劍峯犀牛峯

香爐峯姊妹石


踰張公嶺迤邐東北行則至鶴鳴峯

南康志峯嘗有鶴棲鳴唐鄭元素隱其下

鶴鳴之西南為龜背峯又西南為寨雲峯黃石岩又西

雙劍峯

山疏龜背峯梅溪集南康舊志皆謂之行龜峯





有石如龜所謂行龜也今人謂之蝦蟆石

寨雲峯在龜背峯西今人謂之紅石崖

黃石岩在紅石崖南白樂天有黃石岩詩

雙劍峯在紅石崖西峯峭麗乃勝於山北之雙劍峯

晦翁有同尤延之提舉詠雙劍峯詩

雙劍之西為犀牛峯雙劍之西南為香爐峯又西南為姊妹石

姊妹石

山疏 犀牛峯梅溪集謂之牛頭岩

香爐峯在雙劍峯西南視諸峯尤奇秀舊有黃石岩

今廢 梁江文通從冠軍建平王登廬山香爐峯詩

成夢神鼎淮南好丹經此山具鸞鶴往來盡僊靈

草正翕艷玉樹信蔥青絳氣下縈薄白雲上杳冥中

坐瞰蜿虹俛伏視流星不尋遐怪極則知耳目驚日

落長沙渚層陰萬里生藉蘭素多意臨風默含情方

學松栢隱羞逐市井名幸承光誦末伏思託後旌

山疏 姊妹石在香爐峯西南二石娟娟如兩女比肩

立

開先寺

鶴鳴峯下有開先寺

舊志 開先寺者昉自李中主景後廢我 明洪武初



僧清江復建末樂中僧智勝正統中僧道嵩繼脩天  
順中僧大然請 賜額

黃廷堅開先禪院脩造記中主年十五先主秉吳國  
柄鎮金陵留中主與宋齊丘參廣陵政事中主年少  
好文無經世意慕物外之名問舍五老峯下有野夫  
獻地焉買之萬金以為書堂及即位以為寺以野夫  
獻地為已有國之祥故名開先及中主遷洪都蓋嘗  
彌節故榻與畫像存焉太平興國二年賜名開先華  
藏

在寺後世以為李後主者既誤以為

明者尤誤開州王泰公濟跋南唐後主李煜嘗從父  
景徙豫章築書堂鶴鳴峯下俗誤以為梁昭明讀書  
臺謬附郡志妄形題品迺據馮節度記改正之如此  
山疏王公濟知非昭明而不知非李煜是日察秋毫  
而不見其睫也五代史李中主景遷都豫章留其子  
煜使守金陵明年中主殂遺命煜即於金陵嗣位煜  
上宋太祖表亦云留居建業正儲副之位分監輔之  
權曷嘗至豫章哉臺今廢有遺址存

朝涼亭在讀書臺側今廢  
聰明泉出朝涼亭遺址下石竇中旱則流潦則竭泉



乃其於瀑布泉寺僧皆取食之然茶經不載  
鎖劍亭招隱一山二橋俱在寺前

石剗七佛偈黃山谷書在讀書臺側崖半

王守仁題

識正德己卯六月乙亥寧藩宸濠以南昌叛稱兵向  
闕破南康九江攻安慶遠近震動七月辛亥臣守  
仁以列郡之兵復南昌宸濠擒餘黨悉定當是時

天子聞變赫怒親統六師臨討遂俘宸濠以歸於赫  
皇威神武不殺如霆之震靡擊而折神器有歸孰  
敢窺竊天鑒於宸濠式昭 皇靈嘉靖我邦國正德

庚辰正月晦提督軍務都御史王守仁書從征官屬

列於左方在讀書臺東米元章青玉硤三大字朱

章廬山二大字周堯風泉雲壑四大字福祿壽三大

字 明喬宇瀑布泉三大字林廷玉古今奇觀四大

字張寰濯纓洗耳噴雪奔雷八大字俱在青玉硤郡

守青田趙與志寶祐戊午禱雨來此十五字在龍池

側餘刻甚多皆蘇剗不可識 王禕遊開先寺記 晉淳

熙中南康守禱雨龍池而神龍見事具石壁所刻題

誌中又石上多題名石麤字畫淺初不可辨掬水沃

之乃見大率宋南渡後人其人無聞者居多可識者

十纔二三君子惟植節砥行乃可不朽苟不出此雖



廬山經事卷四  
四  
托名貞石未久人不識也

開先之僧紹宗禪師清耀禪師照禪師暹道者宗禪師行瑛禪師凡六人

山疏初開先之始建也Y山紹宗未尚寔主之南唐李中主遷豫章幸開先請紹宗上堂僧問何為開先境曰一條界破青山色何為景中人曰拾枯松煮布水

佛印了元禪師住持開先時手植松若干株於寺前株皆大數十圍蒼翠鬱然甚壯觀其後僧南楚越盡伐之去別建一寺俄而焚燬識者謂有數云

藝文

南唐馮延巳開先寺記  
皇上卽位之九年詔以廬山書堂舊基為寺寺成會昭義軍節度使馮延巳拜觀於京師上賜從容於便殿語及往事顧謂曰廬山書堂已為寺矣朕書堂之本意卿亦與知頗記憶不對曰陛下真誠懸日月微臣固陋何敢忘之答在吳邦唐運中缺陛下齡方志學龍潛鼎司洪惟聖心邈焉高蹈咳唾權政流贅經綸慕崆峒之師幾勞軒拜聞富壽之祝亦固堯辭注念煙蘿每懷宴息因尋爽境之境以備華胥之遊匡廬天下之名山江表之勝槩



圖誌具載僊靈成棲果有潛夫來獻茲地已酬善價  
遽闢重基纔俾芟除未遑畚築旋則中興在運夏物  
重歸陛下位屬元良務煩監撫寢門鷄唱方視燠寒  
嵩高鳳鳴寧諧好尚逮乎出震嗣服雖欲從之巢父  
之蹤其可繼耶堯舜不得已而治天下豈虛言哉方  
今陛下日照天臨風行草偃勤儉以化焦勞思理求  
賢草澤盡善於百王推公友于邁德於千古蟲蝗殞  
于靈雨旱歉轉為豐年大信既孚四方後后咸惟取  
亂仁實懷柔所以建水僭稱肉袒而詣更楚邦亂畧  
俛首而來朝矧彼長沙恃險與固隔絕聲教五紀于

茲一旦砥平易於反掌兵不血刃市不易肆拓土宇  
於數千里復正朔於四十州可大之功冠乎史冊猶  
且納陛軫慮馭朽兢懷物暢皇猷民知王度洋洋焉  
蕩蕩焉混一車書豈遠乎哉言未及終上曰皆然矣  
抑朕又聞古先哲王握圖御宇惟德是務與善同歸  
俯仰抑揚不失其正久於其道而天下化成恒沙如  
來出世濟俗依空說性性外無空信則脩崇悟則解  
脫始乎正灑終乎象教使人趨清淨之域息貪競之  
心民用以淳理道何遠是則菩提之教與政通焉朕  
以此寺基是朕思欲邀世之地棄之則草莽可惜構



之則棟宇無名不若建興伽藍以居僧衆示人至理亦助化之一端其創置之規奢儉之度續用之費卿復知耶延巳對曰起置之始適已上奏肇乎程土工度山木豫章之材間出般輸之藝屢獻運斤若雨荷鋪如雲力不勞於中民財不傷於外府歲月未幾厥功已集駭多寶之湧出疑化城之突然邃殿正門重軒複檻高牆虬轉脩廊翼舒香厨旁開僧房內闢灑筵清淨宛是祇陀之園方丈精嚴更類維摩之室撫菩提之地位儼如來之相好功成敏手則塑像如生妙屬良工則丹青若活而况依林附麓左崑右壑

布題呂梁之勢凌雲挺閣峴之形溪徹溢江表溟涬之不斷峯開石鏡同慧日之長明其或寥泝雲收戶庭雨霽鐘鳴谷響猿啼樹深仰止則峻巘連空寫壑則長川無際僧閒境寂似出世間信有爲之勝因實安禪之嘉所足使迷者得于陸之漸達者得不二之門苟非聖人用心其孰能與於此乎上曰卿知其始也既如彼其末也又如此則文以記其事非卿而誰延巳對曰臣才學本空筆硯久廢雖然盛德之事固願歌詠慚匪當仁曷符不朽乃跪而進頌曰彭蠡之陽廬山峻峙積純和氣竦摺天勢峯連奇秀谷藏靈



異鶯洞之前勝復為最懿乎我后河漕運契仁聖  
文明肅恭敬畏堯舜其心巢父其志思憇大廷因開  
福地帝出乎震龍飛在天梯航合運符瑞駢闐推公  
固本舉正求賢九功既叙七德俄宣貞師一奮建人  
來庭神兵再發楚邦蕩平威震四海疆開百城日新  
之盛無得而名恢恢睿謨游刃多餘乃思是境答  
華胥夙心不復締構猶虛改名梵宮俾奉真如榛  
既闢棟楹崛起雕甍繡櫺重欄疊砌後倚崇崖前臨  
無地屈曲延袤高低迤邐炳煥丹青端嚴塑像表上  
乘灑示人天相清眾晝閒禪關夜敞十二類生

瞻仰聖君古趣古佛因緣教化之本治平之原其功  
莫量其福無邊皇圖帝齡永永萬年保六十二年正  
月日立石

黃山谷開先華藏禪院脩造記夫沙門灑者不住資  
生行乞取是日中受供林下託宿故趙州以斷薪續  
禪牀宴坐三十年藥山一日不作則不食今也毀中  
民百家之產而成一屋奪農夫十口之飯而飯一僧  
不已泰乎夫不耕者燕居而王食所在常數百是以  
有會昌之籍沒窟土木之妖龍蛇虎豹之區化為金  
碧是以有廣明之除蕩可不思耶



皇明李夢陽開先寺詩讀書臺倚鶴鳴峯迴合千山  
翠萬重白晝懸泉喧霹靂清秋雙劍削芙蓉撐持古  
寺還雲閣寂寞前朝自暮鐘瑤草石壇應不死興來  
真欲跨飛龍又宿開先寺詩僧閣暮鐘靜夏涼風色  
幽月出照瀑布猿啼西澗流

參政朱應登陪喬侍御自白鹿洞遊開先寺詩鹿洞  
意已愜龍池渴未消還隨持節使重過濯纓橋涉水  
涼生襪捫蘿翠染綃行行渾不倦去去即非遙路轉  
山交股峯迴草沒腰險中頻却馬狹處僅容軺異跡  
多存古幽期自遠巖石眠開筍叟臺隱記梁招泉

中天落雲疑萬壑搖南風清沙曉西日下岑寥選  
欣初霽探奇遂詰朝浮嵐颯近眼五老若為招  
桑喬生曰廬阜之南僊佛之宮以十數開先最勝勝乃在  
諸峯瀑布開先雖平麓然諸峯瀑布可指顧而盡又去  
城近士大夫舟車易往來諸宅菴寺雖奇然僻在山腹中  
邃險好奇者或間至馬亦不能數矣

黃岩寺

雙劍峯下有黃岩寺

山疏黃岩寺唐僧智常建

文殊塔在黃岩寺南下塔前有定心石舊志謂之四



望石

劉軻黃石岩禪院記庚辰歲山客劉軻採拾怪異自  
麓至頂却下半里餘次于黃石岩岩中有棲禪子不  
知其幾臘乃贖其輕重頗見其宅心之地乃問其住  
年但手指松桂云毫髮我祖今環入臂鳥飛走吾  
復何齒矧卯戌之昏且霜炎之凍炎生落之榮頓去  
留之浴泝雖云云白彼而於我蔑如也於戲向非巖  
房峭絕孤峙則人境兩失其宜也復何言哉觀夫煙  
雲雜乎履鳥嵐靄生於襟袖群形浩擾併入眸子每  
至煙雨初霽山光澄淨冷冷僊語如在耳右况又  
凌兢上冥冥焉知不能與崖接袂浮丘連駕盈  
造化吐納灝氣絕慚容於亭面遠喧卑之臊穢乎不  
得而然者蓋鉤也餌也名爲利鉤利爲名餌吞鉤食  
餌手足羈鎖彼焉得跳躍於此乎夫禪子脫去桎  
四支宣展動與雲無心靜將石何幾物我一致端邪  
徑塞僕所謂非斯人不能住斯境也禪師宜春人俗  
姓劉名常潯人以師久住遂以其姓易其巖名云  
香爐峯麓有李太白書堂

山疏李太白書堂在青玉峽西二里所今廢白蜀人  
也嘗讀書於蜀之大匡山其後供奉翰林不合而歸



又讀書於薄之匡山杜子美贈白詩曰匡山讀書處  
頭白好歸來是也白善為歌詩連類引義宏肆俊偉  
殆騷人所不及近世所未有蘇子瞻嘗恨白集為庸  
俗所亂近唐詩紀事又載左綿邑人所哀白少年詩  
若干皆皆淺俗可笑讀者自可別其偽云

### 瀑布泉

鶴鳴龜背之間有馬尾水雙劍之左有瀑布水瀑布之下  
有布水臺又下有青玉峽龍池龍池南下有小池曰浴僊  
池

山疏漢陽之頂多清泉的突播流西為康王谷之谷

簾泉而東為開先二瀑二瀑同源異流其在東北者瀉出  
鶴鳴龜背之間曰馬尾水水勢奔注而崖口窄隘迫  
束噴散數十百縷如馬尾然其實亦一瀑也其在西  
南者則自坡頂下注雙劍峯背邃壑中匯為大龍潭  
繞出雙劍之東下注大壑懸掛數十百丈曰瀑布水  
水循壑東北逝與馬尾水合流出兩山山破中下注  
石潭石碧而削水練而飛潭紺而淵為開先佳境後  
因名其破曰青玉破潭曰龍池云二瀑俱奇觀而西  
瀑尤勝方冬泉脈微循崖而流涓涓然如一綫春夏  
汎溢直落霄漢間裊裊如垂匹練日光灼之粲爛如



一廬山紀事卷四  
十一  
黃金色倏為驚風所掣則中斷不下久之忽飄入雲際如飛球捲雪迸珠散玉瞬息萬狀

周景式廬山記瀑布水在黃龍東北數里土人謂之泉湖水出山腹中掛流三四百丈飛湍出林表望之如懸索水所注處石悉成井溪不可測

文與可妙明菴記棲賢石橋為混沌之所設般工能之開先瀑布不可量其高遠奔騰傾瀉若決銀河此天下之絕觀世間不復更有矣

山疏山上下龍潭以十數惟雙劍峯背大潭深不可測神龍時來居之來則雲陰旋合屯潭上不散者久

其去莫測也龍在則時時洗潭其洗潭卽湧水雖晴霽亦暴漲騰湧混濁穢積墮梗皆隨流去不遺王禕遊開先寺記予以三月二十六日雨霽同諸君往遊時瀑水方怒瀉奔騰盪激聲震萬雷令人心怖神奪股栗不休雖諸君拍手謹呼大笑然水聲瀕洞呼笑聲亦不之聞也寺僧云龍適洗潭矣

布水臺在瀑布泉下五燈會元唐先天元年道明禪師得六祖慧能開發了悟本性卽往廬山布水臺住三年方之袁州

南康志龍祠在青玉峽石壁間後廢宋乾道間郡守



李亦脩又廢我 明正統中僧南嶽崧復脩又廢

石亭集舊志龍池水支流石問宋僧若愚鑿大石渠

長丈承以石柱聯絡數十引水過漱玉亭龍井入僧

廚注大石槽中以給庖湔溢則散流山下其後稍損

折代之以竹

山疏龍井者僧當水所行道鑿石為池曰龍井亭於

其上曰漱玉亭水瀉龍井中泠泠有聲今並堙廢而

於其上別立小石塔以當之無復漱玉之勝矣蘇東

坡有漱玉亭詩王禕遊開先寺記由寺至亭可二百

步由亭至硤口僅數十步自遠觀之瀑布出自兩崖

間如瀉天半由近而觀則二瀑下注匯為重潭潭水

出石硤乃為溪循山足東流以入於彭蠡當硤口仰

望但見水從潭中出巖谷回互二瀑所從來不復可

見矣龍池東南舊有萬竹亭今廢

紀事白樂天刺杭州時徐凝張祐並希晉薦樂天試

長劍倚天外賦餘霞散成綺詩解送凝為元祐次之

祐曰予甘露寺詩日月光先到山河勢盡來金山寺

詩樹影中流見鐘聲兩岸聞雖綦母潛塔影挂青漢

鐘聲和白雪未足為佳也凝曰爭如老夫廬山瀑布

詩今古長如白練飛一條界破青山色耶凝遂擅場



蘇東坡志林徐詩至為塵陋世人又偽作樂天稱賞  
語樂天雖淡淡易然豈至是哉因戲作一絕帝遣銀  
河一派垂古來惟有謫僊詞飛流濺沫知多少不為  
徐凝洗惡詩詩話東坡以徐凝為惡詩然太白銀河  
落九天猶未免凡近也

唐詩紀事繆島雲瀑布一聯云白鳥遠行樹王虹孤  
飲潭復出前輩為時所稱島雲初嘗為僧詩尚奇險  
詩史唐宣宗嘗與黃葉禪師觀瀑布葉吟曰穿山透  
石不辭勞地遠方知出處高宣宗應聲曰溪澗豈能  
留得住終歸大海作波濤葉知非常人云

李夢陽觀瀑布賦奎炎陽以北邁今遡數原之上驅  
遵嶽南而遐步兮廓晴流而志揚日旋旋以景植兮嶰  
崎嶇乎微行峯吞吐而迂余兮嵐押翕而颺路超歸  
宗以翹盼兮觀開先之瀑布論前記而髮鬢之兮眩  
飛空之孤形誦銀河之逸句兮精陟天而九征挾巖  
潭以上氣兮接神漢而竝垂積雲左右以傳彩兮霞  
表裏而秀姿沫霏霏之晝霧兮崖丹翠絳而蕤蕤光  
金黛而亘霄兮浩呼洶之湧湧龍朝帝以潮從兮虹  
為梁之總總韡若華以西曜兮東扶木兮倚明星辰  
活而布鎔兮岳瀆影之其中絢繡恍惚百恠濬兮勢



明晦而無恒諱之若住忽奔噴兮石雷壑而驟崩經  
香爐以慰素兮破雙劍而水攢踰黃巖以珠迸兮籠  
王殿而金煙濯炎女之玄髮兮苔離根而永生掛洞  
宮之暮暮兮隱芝之箭而懷清涕混混之爛爛兮颯瑟  
駭而涼風泉滾滾而安竭兮孰尋源而卒竊蕊剗剗  
以繽紛兮溼華巔而分派水簾亞之揚兮靈終古而  
弁戴巍嶽岑而上行兮疑質違而性非蒙并厥流常  
兮譬鐵顛而血隨吞日月以膏顏兮震雲氛之翼翼  
江海巨而昏墊兮哀趨卑而罔直體融陰而內陽兮  
率坎離而向背嚴不留類酒澤物兮醜彭蠡之汪洋

浮朱鳥之寒景兮爭龍騰而據勢高者韻斯宏兮  
谷哨啄而坤圻赫翩翩以條助兮小鴈蕩而不賜露  
霜霾而離離兮處遼域而孰之惻怒琤罕以思逞兮  
石岬略之惻惻晴電追而霆突兮信駭觀而搖臆猿  
纍纍以竊窺兮倚石鏡而呶嘯燿焯灼燿的樂校兮  
類至人之懸照肝颯而逞徠兮翔太始而留耀歌曰  
造龍池而缺之兮究瀑布之肇踪巔湧而壑射兮誠  
神靈之攸鍾轟邇惑而遐暝兮壯二儀而末效磬鬼  
怪避鑑鑿兮微瀑孰以察逝者之高妙伊動者必定  
兮潭窅泐而淵峯礪之灑而寧之清兮厥金水之共



質亂曰相彼山泉瀄澗澗澗勾豁朋連洵遵科以造  
海竟隨流而泯瀾觀厥瀑之靈詭反群託而背誹吾  
苟若天地以遺聲跡亦奚暇校高下與狐疑

皇明王禕遊開先寺記六月十日余被召將赴京因  
與郡人段謙曹元同遊開先汎湖過落星始遵陸而  
前僧志一光應來迓乃與二僧攜手行至招隱橋坐  
橋上橋在寺前五十步卽龍潭水爲溪所經也橋西  
東松杉楓杞蒼翠掩映從樹底望鶴鳴諸峯高出樹  
杪僅尺許隱然如畫圖中見又從樹隙見巖上採薪  
人衣白大如栗初疑白石耳有頃漸動移乃知其人

也橋下流水觸石瀟瀟鳴塵慮俗想蕩滌殆盡久之  
不能去志一請予詣龍潭下是時久不雨瀑布流且  
絕余指算中水曰此水一耳何必往是夕夜半雨大  
作比曉應叩門告曰瀑布流如故矣余欣然攬衣起  
倚闌睇視良久日初出紅光照香爐諸峯諸峯紫靄  
猶未斂光景恍惚可玩不可言也

唐張九齡瀑布泉詩絕頂有瀑布喧喧出塵杪不知  
幾時歲但見無昏曉閃閃青崖落鮮鮮白日皎飛流  
濕行雲濺沫驚飛鳥雷吼何噴薄箭馳入窈窕吾聞  
山下蒙今乃林巒表性情有詭激坤元合紛矯默坐



置此去變化誰能了又湖口望廬山瀑布泉詩萬丈  
紅泉落迢迢半紫氛奔流下雜樹灑落出重雲日照  
虹霓似天清風雨聞靈山多秀色空水共氤氳

李白瀑布泉詩日照香爐生紫煙遙看瀑布掛長川  
飛流直下三千丈疑是銀河落九天又瀑布泉詩西  
登香爐峯南見瀑布水掛流三百丈噴壑數十里歛  
如飛電來隱若白虹起初驚河漢落半灑雲天裏仰  
觀勢轉雄壯哉造化功海風吹不斷江月照還空空  
中亂灑射左右洗青壁飛珠散輕霞流沫拂空石而  
我遊名山對之心益閒無論漱瓊液且得洗塵顏

諧夙所好求願辭人間

桑喬生曰廬山上三石梁據張正見簡寂觀詩三梁石  
絕梁元帝廬山碑東瞻洪井西望石梁則三石梁當在簡  
寂觀之墟而李太白有銀河倒掛三石梁之句元李洞言  
開先寺上有三石梁橫絕青冥窅不見底則似在開先之  
後舊志但云在縣西三十里而一統志九江南康二府新  
志於上霄紫霄二峯皆言有石梁黎景高又云在五老峯  
上夫三石梁為廬山絕景其奇詭尤在壘泉瀑布之上天  
台一梁猶可擅美况三梁哉數公既皆名筆又嘗親至廬  
山黎景高李旣之又同時人而所云各殊何也乃今遍訪



鶴鳴五老與紫霄之西杳無所謂三石梁者豈諸所云云  
皆空言哉姑記所疑於此

### 洪井山

香爐峯南有小山是為洪井山其下有丹井善政源

山疏洪井山在東古山觀音岩西北隅香爐峯之支  
也相傳葛洪真人鍊丹處其下有丹井

善政源在洪井山下源石池也不涸不溢多菰草

或曰洪井者洪崖先生所隱處非也洪崖有二其一  
伶倫三皇時得僊號稱洪崖先生正神僊傳所記與  
衛叔卿遊於華山郭璞詩所謂右拍洪崖肩者也

一唐張盪晉州神山人隱姑射山開元十六年嘗至  
洪州救疫亦號洪崖先生然古洪崖所得道處在豫  
章後人於其地立祠祀之因並祀盪豫章古今記所  
載洪崖洪井鸞岡風雨池皆豫章地非此山事  
南唐李中主遷豫章時嘗幸洪井山

### 東古山鳳凰山清流菴錦屏山石照山

鶴鳴之南有山四曰東古曰鳳凰曰錦屏曰石照鳳凰之  
上有清流菴

山疏東古山在縣西南十里山與鶴鳴龜背鄰並麓  
有釣臺



舊志鳳凰山在縣西南十里山蜿蜒特起五十餘丈湖漲則山若浮而高如鳳翔一名流星山

山疏自鶴鳴東走並彭蠡至南康別有山曰錦屏山其下有錦屏鋪山與東古西古黃龍諸山聯絡非九疊屏

南康志石照山去縣西十五里潯陽記石照山有圓石依崖明淨如懸鏡然

遷鶯谷鼓子岩慶雲峯

鶴鳴之東有遷鶯谷谷有何乾曜墓

山疏鶴鳴龜背當漢陽東南微龜背當微下鶴鳴居

微東為漢陽東隅諸峯之首山勢北趨而稍東盡乎瘦馬嶺而上尖胡鼻五乳諸山皆屬焉

舊志遷鶯谷竹木滋茂有水泉

唐何乾曜不知何許人仕為侍郎後隱廬山卒葬此

谷

遷鶯谷上有鼓子岩

山疏鼓子岩舊志謂之古寺巖在鶴鳴峯東遷鶯谷上其下有鼓子岩今廢

舊志初至正己亥盜邢萬戶陷南康據之半年所南康儒士黃虞夏周機等以義兵復之已而兵敗皆見



殺無何江西僉事韓準至邢萬戶遯準尋去廬山砦  
將張野雞來據之陳友諒至南康野雞降辛丑八月  
我兵下江州遣同僉邵伯忠招撫南康野雞遯而西  
其後友諒敗亦見殺野雞不知何砦將或曰嘗駐鼓  
于砦云

鼓子砦西南有李驥山

山疏山四高而中下亦皆人所立砦處

鼓子砦東北為慶雲峯

山疏慶雲峯它冊籍皆不載土人亦云無是峯迺獨  
載於李夢陽遊山記意必別有所據亦或因其峭

而特名之如郎官湖耶抑亦以慶雲菴故遂名之慶  
雲耶姑載之

萬杉寺

慶雲之下有萬杉寺

舊志萬杉寺者故慶雲菴也宋景德中僧大超有戒  
行受知仁廟嘗卽山手植杉萬本天聖中賜今名并  
御書金僊寶殿額後兵燬舊有慶雲暖翠二亭亦燬  
洪武四年僧德昭重建二十六年設為講寺叢林今  
浸廢

山疏三分池在寺後池水出於山椒寺僧作石龍音



廬山紀事卷四  
引水出龍口中下注池石水跳躍如珠因更名散珠  
池亭其上曰散珠亭並廢

萬杉之名僧二曰壽堅禪師曰紹慈禪師

石剝相傳萬杉石剝甚富僧皆踏而瘞之惟宋仁宗  
國泰清淨四大字槐京包篆龍虎慶嵐四大字存焉  
在寺之後山

程叟德安王阮嘗從張紫微孝祥學詩紫微罷荊州  
歸與阮偕遊萬杉紫微大書二章曰老幹參天一萬  
株廬山佳處著浮圖祇因買斷山中景破費神龍百  
斛珠莊田本是昭陵賜更著官船載御書今日山僧

無飯喫却催官欠意何如阮憮然不滿曰先生氣  
虹霓今少卑之何也紫微不復言別纔兩旬而得湖  
陰之訃紫微蓋於此絕筆焉阮是時亦有詩曰昭陵  
龍去奎文在萬歲靈杉守百神四十二年真雨露山  
川草木至今嘗紫微大擊節自以為不及阮而阮又  
過萬杉題碑陰曰碧紗籠底墨纔乾白玉樓中骨已  
寒淚盡當時聯騎客黃花時節獨來看亦紆徐有味  
云潯陽舊志王阮字南鄉韶曾孫也少好學尚氣節  
隆興初進士對策極言宜遷都建康以圖進取紹熙  
中知濠州脩戰守具金人不敢侵改知撫州韓侂胄



廬山志卷四  
聞阮名特命入奏對阮對畢卽出關佐曹大怒批旨  
予祠遂隱廬山

宋文公萬杉寺詩休沐聊命駕駕言何所之行尋慶  
雲寺想像昭陵時門前松逕深屋後杉色奇空山歲  
年晚鬱鬱凌寒姿當年雨露恩千載有餘滋匠石不  
敢睨孤標儼相持更啓石室藏仰瞻天象垂願以清  
淨化末爲太平基

萬杉迤東水之大者爲清泉澗

山疏俗呼青天澗五老峯以西諸水之委也水西南  
行過九洪橋入於彭蠡湖

### 七尖山

慶雲峯東北有山是爲七尖山

山疏南康志慶雲峯下有劉軻劉弁薛溉三書堂今  
人無復知慶雲者疑卽七尖山也

其下有劉軻書堂

山疏劉軻者徐之沛縣人也天寶之亂自淮入湘至  
韶州爲僧師事月華寺僧惠朗卽大小朗也後居羅  
浮讀黃老書從壽春楊生授春秋元和初乃踰嶺隱  
廬山萬杉之東與隱士茅君游元和末登進士官監  
察御史殿中侍御史秘書丞史館脩撰終洺州刺史



廬山外傳卷四  
有文章名名乃與韓柳並稱當其隱廬山時東西二  
林碑記多其所撰皆不存書堂後廢為凌雲菴今亦  
廢

撫言軻為僧時嘗葬遺骸其夜夢書生來謝與之三  
鷄卵軻嚼一而吞二後遂精儒術與吳武陵並以叟  
才直叟館韓愈欲為文贊之會貶去不果

劉軻上座主書軻本沛上耕人代儒業為農人家天  
寶末流離於邊從貫南鄙邊之人嗜習翫味異於沛  
然亦未嘗輟耕捨學與邊俗齒且曰言忠信行篤敬  
雖蠻貊之邦行矣故處邊如沛貞元中軻僅能執經

從師元和初方結廬於廬山之陽日有芟夷畚築之  
役雖震風凌雨亦不廢力大耨或農圃餘隙積書寫  
下日與古人磨礮前心歲月悠久寢成書癖

劉軻與馬植論叟書自史記班漢已來秉叟筆者亦  
盡知其人失言東漢有若陳宗尹敏伏無忌邊韶崔  
實馬日磻蔡邕盧植司馬彪華嶠范曄袁宏言三國  
志有若衛顛繆襲應璩王沈傅玄茅暉薛瑩華覈陳  
壽言晉洛京叟有若陸機東晉王詮詮子隱言江左  
叟有若鄧粲孫盛王韶之檀道鸞何法盛臧榮緒言  
宋叟有若何承天裴松之蘇寶圭沈約裴子野言齊



史有若江文通吳均言梁史有若周興嗣鮑行卿何元劉璠言陳史有若顧野王傅宰陸瓊姚察察子思廉言十六國史有若崔鴻言魏史有若鄧淵崔浩浩弟覽高允張偉劉橫李彪邢憲溫子昇魏收言北齊史有若祖孝徵陸元規湯休之杜臺卿崔子發李惠林林子百藥言後周史有若柳虬牛弘令狐德棻岑文本言隋書有若王師邵王胄顏師古孔穎達于志寧李延壽言皇家受命有若溫大雅魏鄭公房梁公長孫趙公許敬宗劉胤之楊仁卿顧胤牛鳳及劉子玄朱敬則徐堅吳兢次而脩者亦近在耳目於戲自

東觀至或慮已來其間作者遺草有未行於時及脩撰未既者聞流藏於史閣固非外學者可究予雖無聞良史至於實錄品藻增損詳略亦各有新意常欲以春秋條貫刪補冗闕掇拾眾一家之書言不多乎哉存之視予力志何如耳

白樂天代書廬山自陶謝十八賢已還儒風綿綿相續不絕貞元初有符載楊衡輩隱焉亦出為文人今讀書屬文結草廬於岩谷間者猶一二十人其秀出者有彭城劉軻開卷慕孟軻為人秉筆慕楊雄司馬遷為文著翼孟三卷豢龍子十卷雜文百餘篇聖



人之旨作者之風雖未臻極往往而得予佐潯陽三年軻每著文輒來示予予知軻志不息異日必能跨符楊攀陶謝軻一旦盡齋所著書及所為文訪予告行欲舉進士予方淪落江海不足發軻事業又羸病無心力不能徧致書於臺省故人因援紙引筆寫會中事授軻曰持此為予謁集賢廨三十一補闕翰林杜十四拾遺金部元公監察牛二侍御秘書省蕭正字藍田楊主簿兄弟彼七八君子以予愚直常信其言苟于今不我欺則予之道庶幾光明矣三月十三日樂天白

劉弁書堂

通攷劉弁者廬陵安福龍雲鄉人也登元豐二年進士紹聖詞科仕為著作佐郎侍御史卒所著有龍雲集南郊賦氣格近西漢詩書序記祖述韓柳銘誌豐腴規模文忠於廬陵後進足繼六一云書堂今不知處


薛漑書堂

舊志薛漑宋人右補闕登之後號書倉為南海書記秩滿入廬山築室居之扁曰薛處士山堂後起為諫



議大夫未幾復歸山題舊隱壁曰重來間院靜喜對  
故山青時服其文雅書堂今不知處

桑喬生曰劉勰言四事利害明甚然卒不見被之設施蓋  
難之也論叟書述兩漢以還作者詳矣故掇其要於篇



文政庚寅

廬山紀事卷之四終



